

#RSABUDGET2024

Phatlalatsa e kopanetsweng ke Lefapha la Ditjhelete tsa Mmuso la Naha le Tshebetso ya Lekgetho ya Aforika Borwa

#RSA Budget

#RSABudget2024



LESEDI

BAJETE KE ENG?

BAJETE E HLOPHISWA JWANG?

Kgweding ya Hlakola selemong se seng le se seng, Letona la tsa Ditjhelete le teka bajete ya naha, moo le bolelang phatlalatsa ka tshebediso ya ditjhelete tsa mmuso, lekgetho le merero ya ho adima ya dilemo tse tharo tse latelang. Bajete ya naha e arola tjelele pakeng tsa mafapha a naha, diprovence le bomasepala.

- | | | | |
|---|--|--|--|
| 1. Ho fanwa ka ditataiso tsa mafapha tse bontshang ditlhoko tsa lesedi la bajete | 3. Ditshebetso tsa bajete di romelwa Lefapheng la Ditjhelete tsa Mmuso la Naha le ho buisanwa ka tsona | 5. Komiti ya Matona e fuwa ditshebetso tsa bajete | 7. Kabinete e nka qeto ka dikabo tsa ho qetela |
| 2. Mafapha a hlopha mananeo a oona ho ya ka bohlokwa ba oona le ho etsa merero ya ho sebedisa ditjhelete le dintho tseo a tlamehang ho di etsa ho fana ka ditshebetso | 4. Ditshebetso tsa kabo ya ditjhelete di etswa ke dikomiti | 6. Seteitemente sa Leano la Bajete sa Nako e seng haufi haholo kapa e seng hole haholo se bontsha Bajete e tlang | 8. Ho hlophiswa ditokomane tsa bajete |
| | | | 9. Ho tekwa Bajete e ka Sehloohong |
| | | | 10. Palamente e tshohla le ho amohela Bajete |
| | | | 11. Sent to the President for signing into law |



MR. ENOCH GODONGWANA
LETONA LA TSA DITJHELETE

HO LEKANYA DITJHELETE TSA MMUSO TSE KGONANG HO TSHEHETSWA LE DITLHOKO TSA SETJHABA

Tshebetso ya moruo wa Aforika Borwa e ne e ntse e fokola, mme ho hlokeha ho nkwa diqeto tse boima ho netefatsa hore moruo o a hola le ho hlahisa mesebetsi. Ho hlokeha le hore ho nkwe boikarabelo bo matla ho laola sekoloto sa mmuso le tshebediso ya tjelele e fetang tjelele e kenang, eo e leng sekgeo pakeng tsa tjelele eo mmuso o e sebedisang le eo o e bokellang ka lekgetho.

Moruo o akanyetswa hore o ne o lokela ho ba o hodile ka diphesente tse 0,6 feela ho shebilwe infleishene ka 2023, haholoholo ka lebaka la kameho e mpe ya phepele e fokolang ya motlakase, boemo bo mpefetseng ba boemakepe ba rona le diporo tsa diterene le ditjeo tse hodimo tsa bophelo. Bajete ya 2024 e bontsha maikemisetso a mmuso a ho phahamisa kgolo ya moruo ka phepele e ntlafetseng ya motlakase le ho tsamaiswa ha thepa ka tshwanelo, mmoho le ho aha

diinfrastraktjha tse ding tsa bohlokwa, tse jwalo ka dipeipi tsa metsi, dikolo le mebila. Ditaba tse monate ke hore moruo wa lefatshe kaofela o lokela ho tshehetswa ka lebaka la infleishene e fetohang butle le kgonahalo ya phokoleto ya dikgahla tsa lekgetho lefatsheng ka bophara. Kahoo, moruo wa Aforika Borwa o lebelletswe ho hola ka palohare ya diphesente tse 1.6 dilemong tse tharo tse tlang.

Boemo bo lekanang ba tjelele ya mmuso bo tla kgothalletsa kgolo ya moruo le ho tshehetsa ditho tse dikojwana-dimahetleng haholo tsa setjhaba, ha di ntse di fokotsa sekoloto le ho theosa dikotsi tjeleteng ya mmuso le moruong. Mmuso o beha meralo ya ho tsetela sehlohlolong sa ditlhophiso tsa oona ka ho eketsa monyetla wa ho sebedisa ditshebedisano tseo o nang le tsona le lekala la poraevete, tse kenyeletsang ho sebedisa bokgoni le mehlodi ya ditjhelete ya dikhamphani tsa poraevete le diinstitushene tsa ditjhelete tsa dinaha tsa matjhabeng.

Sekoloto se hodimo se tswellang ho phahama sa mmuso se ama phano ya ditshebetso le matsete a kgwebo ka ho

tlosa dikarolwana tse dulang di eketseha tsa ditjhelete tse lefshwang ke balefalekgetho hole le ditshebetso tsa bohlokwa tsa mmuso le ho di lebisa sekolotong. Ho tloha ka 2008/09 tjelele e sebedisitsweng ditjeong tsa ho lefa sekoloto e eketsehile ho tloha dibilyoneng tse R54.4 kapa diphesenteng tse 7.9 tsa palokaofela ya tjelele ya lekeno, ho fihla dibilyoneng tse R356.1 kapa diphesenteng tse 18.5 tsa tjelele ya lekeno ka 2023/24. Ditjeo tse ntsa tsa ho lefa sekoloto le tsona di eketseha ka potlako ho feta kgolo ya moruo, ho bontshang hore moruo ha o kgone ho hola ka potlako e lekaneng ho ka tswella ho lefa tswala ya jwale ya sekoloto sa mmuso. Leano la tjelele ya mmuso le tla etsa hore karolo ya bajete e lefang ditjeo tsa sekolo e laolehe.

Ka mabaka ana, dilemong tse tharo tse tlang mmuso o tla sebedisa tjelele ka hloko haholo, mme diketsahalong tse ding o fokoletse setjhaba ditjeo. Pakeng tsa 2024/25 le 2026/27, mmuso o tla sebedisa ditrilyone tse R7.4 mme boholo ba tshebediso ena bo tla ya ditshebetso tsa bohlokwa tsa

setjhaba tse kang lekaleng la tsa bophelo, thuto, ho lwantsha bosenyi le boitshireletso ba naha. Diphesente tse ka bang tse 60 kapa ditrilyone tse R3.7 tsa tjelele ena di tla sebediswa ditshebetso tsa setjhaba, tse tla lefa meputso ya matitjhere, baoki le dingaka le digrante tsa setjhaba. Ho sebedisa tjelele ho tla rarolla le mathata thutong le tshebetso tsa tlhokomelo ya bophelo le ho tsetela diporokeng tse kgolo tsa ho aha dibaka tse ntjha kapa ho ntlafatsa dibaka tse seng di le teng tseo e leng motheo wa kgolo e matla ya moruo. Grante ya nakwana ya ho thusa batho ba hloko haholo nakong ya COVID-19 le yona e kenyeleditswe Bajeteng ya 2024.

Ka nako eo, ho tiisa bajete ho bolela hore sekoloto le ditjeo tsa ho lefella sekoloto di tla kgaotsa ho hola ka 2025/26 le ho qala ho theoha, e leng ho tla etsa hore nakong e tlang ho be le disebediswa tse ngata tsa ditshebetso tsa mmuso le ho befofaletsa dikgwebo le batho hore ba kgone ho ba le diasete tseo ba ka iketsang tjelele ka tsona.



HO TSOSOLLOSA MORUO KA DIPHETOHO TSE KGOLO TSA KAMOO DIN-THO DI ETSWANG KA TENG

Dintho tse kgolo ka ho fetisisa tse tshwarelletseng moruo e ne e le phokoletso ya nakwana ya phepelo ya motlakase ho ya ka dibaka, lebelo le fokolang le boemo ba boemakepe le diporo tsa diterene, le bofokodi ba ditshebeletso tsa mmuso.

Mmuso o ne o ntse o rarolla mathata ana. Tshebedisano e tsejwang ka Operation Vulindlela e ne e ntse e sebetsa ka dilemo tse mmalwa mme e tsamaisa diphelelo tsa moruo ho etsa hore moruo o be boemong bo botle ho feta meruo e meng e tshwanang le oona ka mora nako e telele. Indasteri e fepelang motlakase e a fetolwa, ho bebofaletsa dikhamphani tsa poraevete le malapa ho etsa hore ditheko di be tlase ho kgona ho itlhalisetsa motlakase ho sebediswa mekgwa e fapaneng, e kenyeletsang diphanele tsa sola le

diteishene tsa poraevete tse hlahisang motlakase. Dilemong tse tharo tse tlang, 6 000 MW ya diporojeke tse kgolo tsa dibiliyone tse fetang tse R100 di lebelletswe ho ba di sebetsa. Ho feta moo, nakong ya jwale mmuso o lefa karolo e kgolo ya sekoloto sa Eskom, ho dumella hore mehlodi ya phepelo e lokollohe ho lokisa diteishene tsa yona tsa motlakase le ho hlokomela dithapo tsa motlakase, mme bomasepala ba etsa kopo ya ho imollwa sekolong sa Eskom ha bona ba ntlafatsa mekgwa ya bona ya ho lefisa le ho bokella ditefo baahing. Bothata ba boemakepe le diporo tse boemong bo bobele hloka tharollo e kopanetsweng ke makala a nang le bokgoni bo fapaneng.

Komiti ya Naha ya Mathata a Dilojistikse (National Logistics Crisis Committee) eo modulasetulo wa yona


e leng Presidente e thehetswe ho rarolla mathata ao Transnet e shebaneng le oona, e leng mokgatlo o tsamaisang boemakepe le infrastraktjha ya diterene.

Selemong sa 2023/24, sehlopha sa botsamaisi sa Transnet se ile sa fetolwa mme khamphani ya amohela moralo o motjha wa ho ntlafatsa boemo ba yona ba ditjhelete le ditshebetso. Moralo ona o kenyeletsa ho rekisa thepa eo e seng ya bohlokwa, ho sebedisana le dikhamphani tsa lehae le tsa matjhabeng ho laola dikarolo tse itseng tsa boemakepe le ho lokisa diporo le diterene tse senyehileng. Ntlheng ya ho qetela, mmuso o tla etsa matsapa a ho hodisa bokgoni le ho tiisa melao ya tsamaiso ya mesebetsi ya mmuso le ho ntlafatsa taolo ya dikgwebo tsa mmuso. Phetoho ena e lokela ho kgothalletsa boemo bo tsitsitseng le ho hohela boramatsete.

DINTLHAKGOLO TSA TEKANYETSO YA DITJHELETE YA 2024

1. Moputso wa setjhaba ke diphesente tse 60.2 tsa tjhelete e sebediswang e sa hohele tswala, e akaretsang dintshetsopele tsa setjhaba, mananeo a tlhahiso ya mesebetsi, bophelo, thuto le tshireletso ya setjhaba.
2. Mabapi le MTBPS ya 2023, dibiliyone tse R57.6 di tla eketswa dilemong tse tharo tse tlang ho lefa mekgolo ya matitjhere, baoki, dingaka, mapolesa le basebetsi ba ditshebeletsong tse ding tsa bohlokwa.
3. Mmuso o tla potlakisa ho etswa ha infrastraktjha ya mmuso ka ho tliša bokgoni le tshetso ya ditjhelete ho tswa lekaleng la poraevete.
4. Ho tloha ka 1 Loetse 2024, o tla ntjhafatsa diphelelo tsa ho beha meja fatshe tse tla etsa hore ho be le karolo e itseng eo motho a ka kgonang ho e fuwa pele ho nako ya ho dihela.
5. Tshebediso ya tjhelete ya mmuso e fetileng lekeno e tla fokotsa mme sekoloto sa mmuso se tla ba le botsitso ba diphesente tse 75.3 tsa GDP ka 2025/26.
6. Boemo bo lebelletswe ba kgolo ya moruo bo tswella ho ba le botsitso dilemong tse tharo tse tlang. Ditebello di kenyeletsa ho fokotsa phokoletso ya nakwana ya motlakase ho ya ka dibaka, infleishene e tlase le e nyolohang butle.

SEE NEXT PAGE



HO FUMANA TSELA YA HO PHELA LE MATH-ATA A TLELAEMETE: BOKGONI BA MORUO WA AFORIKA BORWA BA HO TSWELLA HO SEBETSA, HO TSOHA LE HO HOLA KA MORA HO FOKOLA

Kgonahalo ya Aforika Borwa ya ho ba kotsing ya diketsahalo tsa tlelaemete tse kang komello, dikgohola, le mello e sa laoleheng e bakile dikoduwa tse mpe haholo tse etsahalang kgafetsa, moo dilemong tse sa tswa feta ho bileng le koketseho e kgolo ya diketsahalo le ditahlehelo.

Dikoduwa tsa moraorao tse jwalo ka mello e sa laoleheng ya Knysna, difefo tsa Durban, komello ya Motse Kapa le dikgohola tsa Natala di amme temothuo le bohahlaodi hampe haholo, ka ho bakela mmuso ditlamorao tse mpe haholo tshebedisong ya ditjhelete le tjheleteng e kenang. Ho tloha

ka 1980, batho ba dimiliyone tse ka bang tse 22 ba amehile, e leng ho bakileng ditahlehelo tsa palo ya dibiliyone tse R113 kaofela. Diketsahalo tsena di mpefatsa boemo bo sa lekalekaneng ba moruo, haholoholo bo amang batho ba dikojwana di mahetleng ba kotsing e kgolo ya dikoduwa tsa tlelaemete le ditlamorao tsa tsona, tse jwalo ka ditheko tse nyolohang tsa dijo le kgonahalo ya ho senyeha.

Lefapha la Ditjhelete tsa Mmuso la Naha le phethela lewa la ho lefella kotsi ya dikoduwa ka 2024, le shebile mohloding wa tlatsetso wa tjhelete e thusang ntshetsopele

le ho fokotsa kotsi ho kgona ho laola dikotsi tsa tlelaemete ka katleho. Lewa le etseditswe ho thusa mmuso le baahi ba kotsing ya ho ba bothateng, ho matlafatsa bokgoni ba moruo ba ho tswella ho sebetsa, ho tsoha le ho hola ka mora mathata le ho netefatsa hore koduwa e arabelwa ka katleho le ho busetsa maemo madulong. Sepheo sa lewa ke ho tshehetsa bokgoni ba mmuso ho lefella matsapa a etswang a ho kgutlisetsa maemo madulong le ho atolosa metjha ya inshorensense ya ho sireletsa bothata ba ditjhelete bo bakwang ke dikoduwa tsa tlhaho.



TLHAHISO YA MESEBETSI

Ho a hlokomeleha hore sekgahla sa tlhokeho ya mesebetsi se theohetse diphesenteng tse 31.9 kotareng ya boraro ya 2023, ho tshwaya boemo ba sona bo tlase haholo dilemong tse tharo.



Morero wa ofisi ya Presidente wa ho hlahisa mesebetsi o lebelletswe ho amohela dibiliyone tse R7.4 ka 2024/25. Ho ya ka morero ona, Lefapha la Kgwebisano, Indasteri le Tlhodisano le hlophisitse dibiliyone tse R1.1 botjha tsa Letlole la Khiri ya Setjhaba. Ho feta moo, Lefapha la Temothuo, Tlhabollo ya Mobu le Ntshetsopele ya Dinaha tsa Mahae le abile dimiliyone tse R750 ho matlafatsa lenaneo la polokeho ya dijo le maphelo a batho la dihwai tse iphedisang.



1 MEHLODI YA LEKENO LA TJHELETE YA MMUSO KA 2024/25




2 TSHEBEDISO YA TJHELETE YA MMUSO KA 2024/24



3 DIGRANTE TSA SETJHABA

	2023/24	2024/25
GRANTE YA BOQHEKU	R2 085	R2 185
GRANTE YA MAQHEKU A DILEMO TSE FETANG TSE 75	R2 105	R2 205
GRANTE YA MEKAUBERE YA SESOLE	R2 105	R2 205
GRANTE YA BOQHWALA	R2 085	R2 185
GRANTE YA KGODISO YA NGAWANA EO E SENG WA MADI	R1 125	R1 180
GRANTE YA TLHOKOMELO YA NGAWANA YA NANG LE BOQHWALA	R2 085	R2 185
GRANTE YA KGODISO YA NGAWANA	R505	R530



Batho ba **19.7 million** ba tla amohela digrante tsa setjhaba pele le ho fihlela ka Tlhakubele 2027

The Budget will increase the values of permanent grants in line with inflation.

4 BAJETE E TSHEHETSA KGOLO YA MORUO, TLHAHISO YA MESEBETSI LE NTSHETSOPELE YA SETJHABA



1.3 per cent

Ka 2024 ho lebelletswe kgolo ya GDP, pele ho uwa kgalong ya diphesente tse 1.8 in 2026



60.2 per cent

tsa tshebediso ya tjelele ya mmuso di leba ntshebetso ya baahi, mesebetsi, bophelo, thuto le tshireletso ya setjhaba, dilemong tse 3 tse tlang



R827.3 billion

di abelwa ditshebetso tsa basic motheo, matlo le dipalangwa tsa setjhaba, le diphetoho tsa dibaka le ntshebetso ya metse ya ditropong dilemong tse tharo tse tlang



R818.7 billion

tsa tlhahiso, dikgwebo tse nyane le mananeo a khiro a mmuso ho feta dilemo tse 3, ho kgothaletsa kgolo ya moruo le mesebetsi

5 MORERO O MOTJHA O IQAPETSWENG WA MANANEO A KHIRO AO OFISI YA PRESIDENTE E A TSHEHETSANG KA DITJHELETE




R7.4 billion

e iqapetsweng ya mananeo a khiro ao ofisi ya Presidente e a tshehetsang ka ditjhelete ka 2024/25, ho tshehetsa maphelo a batho, ho tsamaisa diphetoho tse amang tlhahiso, kgolo ya moruo, tlhokeho ya mesebetsi, ho se lekalekane ha meputso, le ho etsa hore ho be le mesebetsi.

6 DITEFELLO TSA MMUSO TSE SA LEFSHWENG TSWALA LE TSE NANG LE TSWALA E LE KAROLO YA PALOKAOFELA YA TSHEBEDISO YA TJHELETE

Tshebediso ya tjelele e se nang tswala* Tefello ya tswala



*Tshebediso ya tjelele e se nang tswala ke palokaofela ya tjelele eo mmuso o e sebedisang, e sa kenyelletseng tswala e lefihweng sekolong

DITSHISINYO TSA LEKGETHO TSA 2024



LEKGETHO LA MOKGOLO WA MOTHO

DIKGAHLA TSA LEKGETHO LA MOKGOLO DI O AMA JWANG?

Bajete ya 2024 ha e fetole dikgahla tsa lekgetho tse neng di sebediswa selemong sa 2023/4. Kahoo, tjehele eo motho a ka e kolang pele a hlokeha ho lefa lekgetho selemong sa ho tloha ka la 1 Tlhakubele 2024 ho fihla ka la 28 Hlakola 2025 e ka tsela e latelang:

QALEHO YA HO LEFA LEKGETHO	SELEMO SA 2023/24 SA LEKGETHO	SELEMO SA 2024/25 SA LEKGETHO
Ka tlase ho dilemo tse 65	R95 750	R95 750
Dilemo tse 65 ho fihla ho tse 74	R148 217	R148 217
Dilemo tse 75 le ho feta	R165 689	R165 689

Dikarolo tsa tjehele e kgutliswang ya lekgetho ke tse latelang:

DIKAROLO TSA TJHELETE E KG-UTLISWANG YA LEKGETHO	SELEMO SA 2023/24 SA LEKGETHO	SELEMO SA 2024/25 SA LEKGETHO
Batho kaofela	R17 235	R17 235
Batho ba dilemo tse 65 le ho feta	R9 444	R9 444
Batho ba dilemo tse 75 le ho feta	R3 145	R3 145

LEKGETHO LA JWALA THOBAKHO

DINYOLLELO LEKGETHONG LA JWALA LE THOBAKHO

Lekgetho le itseng dinong tse nang le tahi le tla eketseha ka diphesente tse pakeng tsa tse 6.7 le tse 7.2 mme dihlahiswa tsa thobakho di tla eketseha ka diphesente tse pakeng tsa tse 4.7 le 8.2

	INCREASES-BY:
Biri ya molt	14c lekane la 340ml
Waene e se nang tswekere	28c lebotlolo la 750ml
Waene e nang le tswekere	47c lebotlolo la 750ml
Waene enang le dipudulana	89c lebotlolo la 750ml
Disaeda le dino tsa jwala ba ditholwana	14c lekane la 340ml
Dipiriti	R5.53 lebotlolo la 750ml
Disakarete	97c pakana ka nngwe ya disakarete tse 20
Dithutswana tse tjheswang tsa thobakho	73c pakana ka nngwe ya disakarete tse 20
Thobakho ya sakarete	R1.09 50g ka nngwe
Thobakho ya peipi	57c 25g ka nngwe
Siga	R9.51 23g ka nngwe
Nikhothini le mokedikedi o se nang nikhothini wa disistimi tse tsamaisang disebediswa tsa elektroniki	14c ml ka nngwe

DITEFELLO TSA LEKGETHO

LEKGETHO LA MOKGOLO: BATHO LE DITRASTE

Lekgetho le leFshwang ke batho le ditraсте la selemo se felang sa lekgetho pakeng tsa 1 Tlhakubele 2024 le 28 Hlakola 2025

Mokgolo o hulelwang lekgetho	Tefello ya Lekgetho
RO ho fihla ho R237 100	18% ya mokgolo o hulelwang lekgetho
R237 101 ho fihla ho R370 500	R42 678 + 26% ya mokgolo o hulelwang lekgetho o ka hodimo ho R237 100
R370 501 ho fihla ho R512 800	R77 362 + 31% ya mokgolo o hulelwang lekgetho o ka hodimo ho R370 500
R512 801 ho fihla ho R673 000	R121 475 + 36% ya mokgolo o hulelwang lekgetho o ka hodimo ho R512 800
R673 001 ho fihla ho R857 900	R179 147 + 39% ya mokgolo o hulelwang lekgetho o ka hodimo ho R673 000
R857 901 ho fihla ho R1 817 000	R251 258 + 41% ya mokgolo o hulelwang lekgetho o ka hodimo ho R857 900
R1 817 001 le ka hodimo	R644 489 + 45% ya mokgolo o hulelwang lekgetho o ka hodimo ho R1 817 000
Traste le ditraсте tse ding tse ikgethang	45%

Source: National Treasury

LEKGETHO LA MOKGOLO: DIKHAMPHANI

Dilemo tsa tekolo tse felang ka letsatsi lefe kapa lefe le pakeng tsa 1 Mmesa 2024 le 31 Tlhakubele 2025

Type	Rate of Tax (R)
Dikhamphani	27% ya mokgolo o hulelwang lekgetho

Source: National Treasury

LEKGETHO LA MOKGOLO: DIKGWEDO TSE NYANE

Dilemo tsa tekolo tse felang ka letsatsi lefe kapa lefe le pakeng tsa 1 Mmesa 2024 le 31 Tlhakubele 2025

Mokgolo o hulelwang lekgetho	Tefello ya Lekgetho
RO ho fihla ho R95 750	0% ya mokgolo o hulelwang lekgetho
R95 751 ho fihla ho R365 000	7% ya mokgolo o hulelwang lekgetho o ka hodimo ho R95 750
R365 001 ho fihla ho R550 000	R18 848 + 21% ya mokgolo o hulelwang lekgetho o ka hodimo ho R365 000
R550 001 le ka hodimo	R57 698 + 27% ya palo e ka hodimo ho R550 000

Source: National Treasury

LEKGETHO LA PALOKAOFELA YA TJHELETE E KENANG YA KGWEDO E NYANE

Dilemo tsa ditjehele tse felang ka letsatsi lefe kapa lefe le pakeng tsa 1 Tlhakubele 2024 le 28 Hlakola 2025

Palokaofela ya tjehele e kenang e hulelwang lekgetho	Tefello ya Lekgetho
RO ho fihla ho R335 000	0% ya palokaofela ya tjehele e kenang e hulelwang lekgetho
R335 001 ho fihla ho R500 000	1% ya palokaofela ya tjehele e kenang e ka hodimo ho R335 000
R500 001 ho fihla ho R750 000	R1 650 + 2% ya palokaofela ya tjehele e kenang e ka hodimo ho R500 000
R750 001 le ka hodimo	R6 650 + 3% ya palokaofela ya tjehele e kenang e ka hodimo ho R750 000

Source: National Treasury

Scan this QR code for the PDF version of this People's Guide to the Budget



MAIKUTLO A HAO A BOHLOKWA

NA O FUMANE TATAISO ENA YA BATHO YA BAJETE E LE MOLEMO?

Re dula re batla ditsela tse ntjha tsa ho ntlafatsa tataiso ena mme re ka thaba ha o ka romela **maikutlo le ditshisinyo** tsa hao ho Media@treasury.gov.za